



Zwergalser'n

Rundbrief für Kinder

Nr. 2 ■ August 2021



Griaß Eich liabe Kinda!



Summa is's! Woos ma do ois
macha ko ...

Vui fahm in Urlaub.

Aba aa bei uns dahoam konn
ma richtig scheene Dog
vabringa.

Märchenkönig Ludwig II.

Ja, in Bayern hods an Kini gebm, der
vui scheene Schlösser baut hod.

Vielleicht schaugts Eich ja in de Ferien
oans vo dene o.

Auf de nächstn Seiten erzoihn
mia Eich a bissal mehra davo.



Herausgeber und Verleger:

Förderverein Bairische Sprache und Dialekte e.V.
Brunnenwiesenweg 36, 85250 Altomünster
Telefon: 08254 – 8665
E-Mail: fbsd@fbsd.de
Internet: www.fbsd.de

Vui Spaß beim Lesn wünschn Eich
Leo Löwe und **Schnuffi Mankei**.

Der König Ludwig II. als junger Mann



Auf d`Woid kemma is da König Ludwig II. im August 1845 in Minga im Schloss Nymphenburg. Heid is do aa as Museum „Mensch & Natur“ drin.

Groß wordn is er im Schloss Hohenschwangau.

Er war erst 18 Jahr oid, ois er Kini wordn is.

Königliche Insignien

„Insignien“ sind Abzeichen, Symbole, Zeichen der Macht und Amtsgewalt (vom Lateinischen „insigne“).

Könige erkennt man an fünf Sachen:



Die Königsschlösser



Hohenschwangau
Herrenchiemsee
Neuschwanstein
Linderhof
Schachen
Nymphenburg

Da König Ludwig II. war a Sammler – ned vo Briafmarken, sondern vo Schlösser. De konn ma se heid no oschaung. Richtige Märchenschlösser!

Drum hoäßt er aa da „Märchenkönig“.

Die „Venusgrotte“

Da König Ludwig II. hod Musik und zwar de vom Richard Wagner sowia s Theater ganz gern megn.



Er hod se im Schloß Linderhof de „Venusgrotte“ baun lassn.

Do hod er ganz alloa ungestört Musi hearn kenna.

Das „Tischlein-deck-dich“

Unser bairischer Kini war a sehr moderner Mensch.

Er war a bissal schüchtern und hod gem alloa gessn.

Drum gibts in zwoa Schlösser a „Tischlein-deck-dich“.



De Diener homm im Keller den Tisch deckt und dann is da ganze Tisch mitm Essn drauf noch obm ins Esszimmer zogn wordn. Wia mit am Aufzug.

Jetzt hobts einiges über unsern bekanntesten bairischen Kini erfahm. Für größere Kinda oder Erwachsene homm mia no an QR-Code (vom Englischen Quick Response = schnelle Antwort) oghängt. Wenn ma deen einscantt (= mit Scanner einlesen), dann gibts nomoi a bissal mehra Informationen.



Aufruf: Vielleicht machts Ihr ja an Ausflug zu oam vo de Schlösser vom König Ludwig II.. Wenns Lust hobts, machts doch a Foto und mailts uns dees zua: kinderseiten@fbsd.de Mia gfrein uns und werdn de scheenstn im nächstn Heft veröffentlichn.



Und jetzt naus mit Eich und an Summa genießn! Bis zum nächstn Moi,

Eicha **Leo** und Eicha **Schnuffi**